



Broj: 04-16-4-4338-22 /25

Datum: 24.11.2025. godine.

Na osnovu člana 62. Zakona o upravi („Službeni glasnik BiH“, broj 32/02, 102/09 i 72/17), člana 69. stav (1) točka b), stav (2) točka d) i člana 70. stav (1), (4) i (6) Zakona o javnim nabavkama BiH („Službeni glasnik BiH“, broj 39/14, 59/22 i 50/24), zamjenik ministra ministarstva sigurnosti Bosne i Hercegovine, d o n o s i:

ODLUKU

O PONIŠTENJU POSTUPKA JAVNE NABAVKE

„Usluge održavanja Sistema za monitoring i zakonito presretanje telekomunikacija“

Član 1.

Poništava se postupak javne nabavke „Usluga održavanja Sistema za monitoring i zakonito presretanje telekomunikacija“ za potrebe Ministarstva sigurnosti Bosne i Hercegovine u pregovaračkom postupku javne nabavke sa objavom obavještenja o nabavci, broj nabavke: 04-16-4-4338/25 od 04.07.2025. godine, broj obavještenja o nabavci na portalu javnih nabavki: 268-3-2-33-3-47/25, iz razloga što nijedna od primljenih ponuda nije prihvatljiva.

Član 2.

Zadužuje se Sektor za pravne, kadrovske, opšte i finansijsko materijalne poslove Ministarstva sigurnosti Bosne i Hercegovine za realizaciju ove Odluke.

Član 3.

Ova odluka objavit će se na službenoj internet stranici Ministarstva sigurnosti Bosne i Hercegovine (www.msb.gov.ba), te će se dostaviti ponuđačima u postupku.

Član 4.

Odluka stupa na snagu danom donošenja.

O b r a z l o ž e n j e

Ministarstvo sigurnosti Bosne i Hercegovine pokrenulo je postupak javne nabavke „Usluga održavanja Sistema za monitoring i zakonito presretanje telekomunikacija“, putem Odluke o pokretanju postupka javne nabavke, broj: 04-16-4-4338-1/25 od 04.07.2025. godine. Javna nabavka pokrenuta je putem pregovaračkog postupka javne nabavke sa objavom obavještenja o nabavci na portalu javnih nabavki, broj obavještenja: 268-3-2-33-3-47/25.

Komisija za javne nabavke u postupku javne nabavke „Usluga održavanja Sistema za zakonito presretanje i monitoring telekomunikacija“ za potrebe Ministarstva sigurnosti BiH, formirana odlukom, broj: 04-16-4-4338-2/25 od 4.7.2025. godine, je u skladu sa Prvom izmjenom Tenderske dokumentacije za pružanje usluge - Održavanje Sistema za zakonito presretanje i monitoring telekomunikacija za potrebe Ministarstva sigurnosti Bosne i Hercegovine u pregovaračkom postupku javne nabavke sa objavom obavještenja o nabavci od

5.11.2025. godine, dana 17.11.2025. godine izvršila otvaranje zahtjeva za učešće u fazi br. 1 – Pretkvalifikacija predmetne nabavke, te sačinila zapisnik o pregledu i ocjeni, broj: 04-16-4-4338-27/25 od 17.11.2025. godine. Tom prilikom konstatovano je da je blagovremeno zaprimljen jedan Zahtjev za učešće grupa ponuđača: TeleGroup d.o.o. Banja Luka i Page d.o.o. Istočno Sarajevo, broj: 04-16-4-4338-26/25 od 17.11.2025. godine, nosilac/predstavnik: TeleGroup d.o.o. Banja Luka; Zahtjev za učešće grupe ponuđača ocijenjen je da ne ispunjava zahtjeve iz Tenderske dokumentacije, te je data preporuka da se predmetni postupak javne nabavke „Usluga održavanja Sistema za zakonito presretanje i monitoring telekomunikacija“ za potrebe Ministarstva sigurnost BiH poništi u skladu sa članom 69. stav (2) Zakona o javnim nabavkama BiH.

Prilikom pregleda navedenog zahtjeva za učešće utvrđeno je da je grupa ponuđača, u skladu sa tačkom 4.4.d).Tenderske dokumentacije, dostavila Izjavu o angažovanom osoblju tačka 4.4. pod d) Tenderske dokumentacije, bez broja od 11.11.2025. godine. U izjavi je dostavljen spisak kvalifikacija tehničkog osoblja ponuđača iz tački 4.4.d). Tenderske dokumentacije, ukupno za tri osobe, odnosno ponuđač je u cilju dokazivanja u skladu s tačkom 4.4.d) Tenderske dokumentacije, dostavio pojedinačne biografije za tri osobe (Voditelj projekata, Sistem inženjer, Cybersecurity inženjer), koje je svako od navedenih osoba vlastoručno potpisao. Ponuđač u Zahtjevu za učešće niti za jednu gore navedenu osobu nije dostavio uvjerenja ili potvrde o radnom iskustvu od strane poslodavca iz koje se može utvrditi traženo radno iskustvo ili traženo znanje, a kako je traženo u tački 4.4.d). Tenderske dokumentacije za svaku pojedinačnu tehničku osobu. Naime, tačkom 4.4.d). Tenderske dokumentacije propisano je da „Ponuđač ili grupa ponuđača mora imati angažovano tehničko osoblje, najmanje 3 (tri) osobe iz IT oblasti, koji će biti na raspolaganju Ugovornom organu u izvršenju ugovorenih obaveza u toku trajanja ugovora“, te je dalje Tenderskom dokumentacijom propisano da se radi o Voditelju projekata, Sistem inženjeru i Cybersecurity inženjeru, kao i da je da cilju dokazivanja ponuđač u ovoj fazi postupka dužan dostaviti Biografije sa uvjerenjem ili potvrdom o radnom iskustvu od strane poslodavca iz koje se može utvrditi za Voditelja projekta: traženo radno iskustvo na vođenju projekata; za Sistem inženjera: traženo znanje iz systemske administracije; za Cybersecurity inženjera: radno iskustvo u cyber sigurnost. S tim u vezi, Zahtjev za učešće je nepravilan, odnosno nije u skladu sa tenderskom dokumentacijom, te se odbacuje.

Daljim pregledom Zahtjeva za učešće utvrđeno je da je ponuđač za tehničku osobu Voditelj projekata, u cilju dokazivanja zahtjeva Tenderske dokumentacije, dostavio ITIL osnovni certifikat za upravljanje IT servisima, izdat od strane Aewxlos Global Best Practices. Provjerom ovog certifikata na zvaničnim internet stranicama vezano za izdavanje ovog certifikata, utvrđeno je da ITIL osnovni certifikat za upravljanje IT servisima pokriva upravljanje IT uslugama, a ne metodologiju i standarde upravljanja projektima koje obuhvataju PMP, CAPM ili CompTIA Project+. Iz navedenog proizilazi da navedeni ITIL osnovni certifikat za upravljanje IT servisima ne predstavlja ekvivalentni certifikat o osposobljenosti za vođenje projekata u skladu sa dobrim praksama vođenja i upravljanja projektima (PMP/PMI ili CAPM ili CompTIA Project+), a kako je traženo Tenderskom dokumentacijom. Naime, tačkom 4.4.d). Tenderske dokumentacije propisano je da je za Voditelja projekta ponuđač u cilju dokazivanja u ovoj fazi postupka dužan dostaviti Kopiju certifikata o osposobljenosti za vođenje projekata u skladu sa dobrim praksama vođenja i upravljanja projektima (PMP/PMI ili CAPM ili CompTIA Project+ ili ekvivalentni certifikat). S tim u vezi, Zahtjev za učešće je nepravilan, odnosno nije u skladu sa tenderskom dokumentacijom, te se odbacuje.

Također, pregledom Zahtjeva za učešće utvrđeno je da je ponuđač za tehničku osobu Cybersecurity inženjer, u cilju dokazivanja zahtjeva iz Tenderske dokumentacije, dostavio CISCO certifikat za Mrežnu sigurnost, opis oznaka: CISCO CERTIFIED – CCNP – SECURITY, izdat od strane CISCO-a. Imajući u vidu da je Tenderskom dokumentacijom za tehničku osobu Cybersecurity inženjer traženo najmanje 3 godine radnog iskustva sa važećem certifikatom iz cyber sigurnosti (ISC2 SSCP-Systems Security Certified Practitioner ili PECB Certified ISO/SEC 27032 Lead Cybersecurity Manager ili CompTIA Security ili CompTIA PenTest ili CISP ili jednim od slijedećih EC Council sertifikata: CEH, CPENT, CHFI ili CND), posjedovanje samo CISCO CERTIFIED – CCNP – SECURITY ne predstavlja sve gore navedene zahtjeve iz cyber sigurnosti, a koji su propisani zahtjevima Tenderske dokumentacije. S tim u vezi, Zahtjev za učešće je nepravilan, odnosno nije u skladu sa tenderskom dokumentacijom, te se odbacuje.

U vezi sa svim navedenim, Zahtjev za učešće grupe ponuđača TeleGroup d.o.o. Banja Luka i Page d.o.o. Istočno Sarajevo ne ispunjava zahtjeve iz Tenderske dokumentacije.

Članom 68. stav (2) tačka i). Zakona o javnim nabavkama BiH propisano je da je ugovorni organ dužan da odbaci zahtjev za učešće kada ponuda ne ispunjava zahtjeve iz tenderske dokumentacije. Članom 69. stav (1) tačka b) Zakona o javnim nabavkama propisano je da se postupak javne nabavke može okončati poništenjem postupka javne nabavke, a istim članom stav (2) tačka d) propisano je da je ugovorni organ obavezan da poništi postupak javne nabavke kada nijedna od primljenih ponuda nije prihvatljiva. Imajući u vidu navedeno, kao i činjenicu da je u predmetnom postupku javne nabavke zaprimljen samo jedan zahtjev za učešće, odlučeno je kao u članu 1. ove Odluke.

Obzirom da je članom 70. stav (6) Zakona o javnim nabavkama BiH propisano da ugovorni organ odluku o poništenju javne nabavke objavljuje na svojoj internet stranici, ako je ima, i to istovremeno sa upućivanjem ponuđačima koji su učestvovali u postupku javne nabavke, odlučeno je kao u članu 3. ove Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem ugovornog organa u pisanoj formi, u roku od 10 dana dana od prijema ove Odluke.

Dostavljeno:

- TeleGroup“ d.o.o. Banja Luka, Marije Bursać 8, Banja Luka 78000
- „Page“ d.o.o. Istočno Sarajevo, Zmaj Jovina 11, Istočno Sarajevo 71123
- Sektor za pravne, kadrovske, opšte i finansijsko materijalne poslove
- Sektor za informatiku i telekomunikacione sisteme
- Glasnogovornik
- a/a

